

Fin.

58200

Q.D.B.V.

EXERCITATIO THEOLOGICA
DE
JEJUNIO CHRISTI
QVADRAGESIMALI,

QVAM
PRÆSIDE

MAGNIFICO ACADEMIÆ JENEN-
SIS RECTORE
DN.

SEBASTIANO NIEMANNO,
SS. THEOL. D. EJUSDEMQUE PROFES-
SORE PUBLICO, ECCLESIAE OPPIDANÆ PASTO-
RE AC VICINARUM SUPERINTENDENTE MERITISSIMO,
VIGILANTISSIMO,

DN. PRÆCEPTORE, FAUTORE, STUDIORUMQUE SUORUM PRO-
MOTORE, FILIALI PIETATE ET OBSERVANTIA DEVE-
NERANDO,

PLACIDO *Πολογύντων* EXAMINI SUB-
JICIT

GEORGIUS WEIDEMANN,

RIGA'-LIVONUS,
AUTOR & RESPONDENS

AD D. FEBRUARIUM, ANNO M.DC.LXX.

JENÆ

Typis JOHANNIS NIEL.

68700(5)



JEHOVA JUVVA.

CAP. I.

De Jejunio in genere, & quibusdam ejus connexis.

§. I.

DE quadragesimali jejunio meritissimi omnium nostrum Salvatoris Christi acturis, ante omnia jejunii in genere consideratio admodum conducet, imò summa videtur à nobis exigere necessitas, ut, quoniam cum Pontificiis in capite 3. res nobis erit, ejus imprimis æquivocatio enodetur, quò eo melius Adversariis obviam ire, & eorum objectionibus satisfacere queamus.

§. II. Ut autem tractatio hæc plenior evadat, juvabit nominis rationem paulisper investigare. Quod igitur etymologiam concernit, vel nihil, vel parum hac de re notarunt Lexicographi. Non improbabilis quibusdam videtur sententia eorum, qui putant jejunio nomen esse inditum ex intestino, quod *jejunum* dicitur: quia teste *Cornelio Celso l. 4.* nunquam quod accipit, continet, sed protinus in inferiores partes ventris mittit. *Pa-lyd. Vergil. de rerum Invent. l. 6. c. 3.*

§. III. Græcis dicitur *νηστία* à privativa particula *νη* & *δω* & *δλειν* vel *στειν*, sicut *Suidas* exponit, non comedere, vel cibum non sumere, quod latine, ex quorundam sententia, commodè posset reddi per *inediam*; quin & *Varinus* *νηστία* interpretatur *ἀγαστὸν σίτην*, impastum, qui cibum nondum gustavit. Vocatur & *αἰσπία*, itidem ex *αἰ* *σπηνικῶ* & *σῖς*, triticum, vid. *Act. 27, 21. & 33.* ubi tamen vox *αἰσπία* & *αἰσπία* non videntur omnimodam à cibo abstinentiam significare, ut ita *αἰσπία* *ἀπαλειπόμενοι* jejuni permanentes nihil accipientes, idem sic

ac parum omnino accipientes sc. præ mœstitia & metu naufragii. Nam absque omni cibo per quatuordecim dies vita perdere non potuisset, notante *B. Glass. Rbel. S. tract. 1. c. 14.* Lucas tamen *Osiander* ad h. l. existimat eos plane ab omni cibo abstinuisse, summa angustia omnem illis sensum famis excutiente. Affectus enim vehementior minus vehementem expellit.

§. IV. Hebræum est צוֹם quod ab emulgendo seu exuendo nomen habet. De exuentione hac legi potest *Vossius de orig. & progress. Idol. l. 3. c. 21.* ubi hac pro more solide tractat. Alio nomine in Scriptura V. T. dicitur תַּעֲנִי jejunium, à rad. עָנָה quæ in pihel significationem affligendi & comprimendi habet, & jungitur hoc verbum nonnunquam cum fame & inedia, ut Deut. 8, 3. וַיַּעַנְךָ וַיַּרְעֲבֶךָ afflixit te ac esurire te fecit. Es. 58, 10. וְתָפַק לְרֵעִי נַפְשִׁי וְנַפְשִׁי נַעֲרָה תִּשְׂבֶּיַע pro- tuleris famelico animam tuam, & animam afflictam saturaveris.

§. V. Rabbiniis עָנָה afflictio est, sæpe jejunium, quod egregie declarat *Aben Ezra* Pl. 35, 12. כָּל עָנָה דְּבַק עִם נַפֶּשׁ לְעוֹלָם הוּא צוֹם. Omnis afflictio (hoc est verbum עָנָה) quando conjungitur cum anima, semper significat jejunium, jejunare. *Buxt. Lex. Talm. p. 1632.* Iisdem quoque in usu est צוֹמָה. Sic dies expiationum vocatur צוֹמָה רַבָּה Jejunium magnum, *Ber. rabba sect. I. Buxt. Lex. Talm. p. 1898.*

§. VI. Syris significat ܥܡܝܢ jejunium, Matth. 17, 21. Marc. 9, 29. Vid. *Lexicon Gubiri* p. 97. Apud Arabes à R. ܥܡܝܢ distentū utrinque fuit latus corporis, est ܥܡܝܢ quod venerem impedit, & jejunium, quia hoc facere solet. A R. ܥܡܝܢ splenduit super terra & fluere visa fuit apparens eminus species aquæ, est ܥܡܝܢ saliva, aqua oris. Vid. *Lexic. Golii* p. 513. 514. 1069. 1392. 2324. 2614. ubi plura.

§. VII. Variè autem à variis dividitur jejunium. Multi
ex

ex Doctoribus Scholasticis & Pontificiis triplex faciunt jejunium. Primò jejunium *natura*, quod dicit omnimodam abstinentiam ab injectione ciborum & potus in stomachum. Secundò jejunium *moris seu voluntatis*, abstinentiam sc. à nimio cibo nimioque potu. Tertio *Ecclesiasticum*, quod terminatur legibus positivis Ecclesiasticis, estq; ipsis nihil aliud, quam abstinencia à certis cibi & potus speciebus, illis nimirum, quæ insignem augendi seminis, indeque nascentis pruritus vim habent, quales sunt v. g. carnes, ova, lacticinia; & quidem ad prædefinitum atque statum tempus. Septuplex alii faciunt jejunium 1. *naturale*. 2. *civile*. 3. *coactum*. 4. *morale*. 5. *merè spirituale*. 6. *extraordinarium*. 7. *religiosum*. vid. Birckerodii *Synopsin LL. Theolog. art. 34. p. m. 303*. Alii aliam distinguendi rationem incunt.

§. VIII. Nobis non incommoda videtur divisio jejunii in jejunium *proprie sic dictum* & *metaphoricum*. *Metaphoricum* est spirituale, situm in sedula fuga vitiorum & cultura virtutum. Es. 58, 6. Zach. 7, 10. collato cum vers. 5. de quo modo observando in jejunio, præclare Chrysost. tum *Homil. 8. de pœnitent.* tum *Hom. 3. ad populum Antiochenum de detractione*, ubi ait: non enim os tantum jejundet, sed & oculus, & auditus, & pedes, & manus, & omnia corporis nostri membra, jejunent: jejunent manus à rapina & avaritia munda: jejunent pedes, ad illicita spectacula cursum reprimentes: jejunent oculi discentes nunquam formos obtutibus insilire, nec alienas curiosè pulchritudines spectare: jejunet & auris, aurium autem jejunium detractiones & calumnias non suscipere: jejunet quod, os à verbis turpibus & convivio. Proprie sic dictum subdividi potest ratione tum cause, tum subjecti, tum adjuncti.

jejunium metaphoricum

§. IX. Ratione *cause* dispescitur in *Physicum, Erbicum, Politicum & Religiosum*. *Physicum* seu naturale suscipitur ad conservandam aut recuperandam valetudinem, nonnunquam etiam ex ingenti proficiscitur moerore: quomodo jejunabat Rex David, cum puer è Bathseba susceptus jamjam animam ageret 2. Sam. 12, 16. Qui hic de inedia mensium aliquot vel annorum etiam planè singulari & mirabili, exempla conjecturasq; phycas cupit, consulere poterit Kornmannum de *mirac. vivor.* nec non Sen-

2) *herum lib. 3 med. pract. p. 1. sect. 2. c. 2.* Et *hic* coincidere videtur cum decantatissimis Moralistarum virtutibus, sobrietate & frugalitate, pro scopo habens honestatem in omnibus actibus refulsuram Luc. 21, 34. Rom. 13, 13. 1. Petr. 5, 8. Quo nomine etiam *veteres Germani* apud *Tacitum de moribus Germanorum c. 23.* bene audiunt, qui cibo simplici, pomis agrestibus, fera recente aut lacte concreto, sine apparatu, sine blandimentis famem expellebant. Cujus etiam exempla erant *prisci Romani*, teste *Valer. Max. l. 2. c. 11. Plinio l. 10. c. 8. & Alexand. ab Alexandro l. 3. c. 11.* nec non *Spartani*, ut videre est apud *Plutarchum in vita Lyncurgi & Aristot. in Politicis.* *Politicum* dici posset, quod suscipitur boni aliquis, quod Rempublicam concernit, adipiscendi causa, ut 1. Sam. 14. v. 24. & 28. *Religiosum* instituitur partim ut petulantia & concupiscentia carnis dometur, partim ut dolor noster Deo indicetur, poenitentiae & precum studium accendatur, atque cor ad meditationem verbi divini, usum coenae Dominicae, aliaque negotia Ecclesiastica obeunda aptius & ardentius reddatur, & per hanc animae afflictionem, in vera fide susceptam, impendentia aut praesentia mala mitigentur & avertantur. Prolixam hac de re tractationem suppeditabit *Petrus Ravennellus Biblioth. sancta, in voce jejunium.*

S. X. Ratione *Subjecti* jejunium aliud est *publicum*, aliud *privatum.* *Publicum* est, quod pius Magistratus aut gubernatores Ecclesiae indicunt, vel ut mala praesentia vera Dei invocatione & seria poenitentia tollantur aut mitigentur, vel ut mala, quae ob peccata imminere videntur, avertantur, ut Jud. 20, 26. 1. Sam. 7, 6. Joel. 2, 12. Jon. 3, 5. Act. 13, 3. & alibi. Et ejusmodi jejunium indictum celebrare tenentur omnes, qui eorum subsunt jurisdictioni, cujuscunque sint conditionis, aetatis & sexus; quin & quandoque animalia bruta Jon. 3, 8. (nam qui hic per jumenta intellexerunt efferos homines & a ratione alieniores, hanc vocem *monstrosè*, ut recte ait *Theophylactus*, interpretati sunt) ad jejunandum Ninivitas adegisse legimus (sicut, teste *Chrysost. Hom. 3. ad populum Antiochenum*, divite aliquo mortuo non servos solos & ancillas sed & equos necessarii sacco amicientes & agasombus tradentes ad sepulchrum sequi jubent, calamitatis magni.

gnitudinem ostentantes, & omnes ad misericordiam allicientes.)
Theodoretus ad illum locum *Jonæ*: *Animalia ratione carentia*
etiam à cibo abstinere jussit Rex, ut his fame pressis, & partim mu-
gientibus, partim balantibus, & suam singulis vocem prominentibus,
ferventiores lacrymas homines funderent, divinaq; misericordia
fontes referarent. Vide & Basilium, Concione in fame & siccitate.
Ubi pulchrè describit, quomodo *Ninivita* excogitaverint, ut in
eorum jejunio tum infantes, tum ipsa etiam bruta animantia,
ex necessitate, clamarent: *Separatus enim est, inquit, vitulus à*
vacca, depulsus est à materno ubere agnus, puer lactens non erat
in maternis ulnis, in propriis stabulis degebant matres, in propriis
partus: voces prodibant ab omnibus miserabiles, mutuo reclaman-
tes ac resonantes: partus famelici fontes lactis quarebant: matres
naturali affectione perculsa, condolentibus vocibus, partus revoca-
bant: infantes eodem modo famelici, vehementissimo ejulatu di-
rumpebantur ac tremebant: matrum viscera naturalibus doloribus
compungebantur. Privatum est, quod privatim celebratur. Estq;
iterum duplex, vel miraculosum & extraordinarium, quo pror-
sus jejunatur ab omni victu, ultra naturæ cursum & humana-
rum virium potentiam, quale fuit Moysi, Eliæ & Christi; Vel or-
dinarium, quod quisque sibi imponit sive sua sive alterius culpa,
ut *Davidis* 2. Sam. 3, 36. c. 12, 16. Ps. 35, 13. Ps. 69, 11. *Achabi* 1. Reg.
21, 27. *Nebemias* 1, 4. *Discipulorum Johannis Baptiste* Matth. 9,
14. *Hanna Prophetissa* Luc. 2, 37. *Pauli Act.* 14, 23. 2. Cor. 6, 5. Vide
de his *Ravanel. Bibl. S. l. c.*

§. XI. Ex parte denique *adjuncti* datur jejunium aliud
necessarium, quale erat *Davidis*, *Danielis*, *Apostolorum*. Aliud
liberum, quale *discipulorum* adhuc familiari conversatione
Christi lætorum erat, Matth. 9, 16.

§. XII. Præmissa hac divisione, jam melioris cognitionis
gratia, quædam de tempore, oibis in jejunio vitandis & ritibus jeju-
nii ex antiquitate, quam brevissime fieri poterit, subnectam.

§. XIII. Tempus igitur vel est *ordinarium*, vel *extraordina-*
rium. *Extraordinarium* in V. T. varium fuit, præsertim jejunii
publici, quod propter necessitates & causas extraordinarias sus-
cipiebatur, sic *Israelita* ob acceptum à *Benjaminitis* cladem je-
juna-

junabant. Jud. 20, 26. conf. 1. Sam. 7, 6. c. 31, 13. & alibi. Qui mos adhuc etiam ex institutione Rabbiorum obtinet apud Judæos. vid. *Rabbi Moses ben Majmon* in tractatu de jejuniis Hebræorum, paucis ab hinc annis à D. Joh. Bened. Carpzovio, Profess. Lipsico latinitati donato, *Buxi. Synag. Jud. c. 25.* Pariter sub initium N. T. tempus jejunii certò non erat determinatum, ut colligere licet ex Matth. 9, 15. Marc. 2, 19. 20. Luc. 5, 34. 35. Hinc & in primitiva Ecclesia jejunia statuta non observabantur, ut passim ex historiis constat. Et hoc est, quod *Tertullianus* jam Montanizans *Psychicis*, sic Orthodoxos appellat, exprobrat, de jejunio agens.

§. XIV. *Ordinarium* vero tempus quod attinet, in V. T. præter jejunium illud, quod Deus decimo die mensis septimi observandum præceperat Levit. 16, 29. c. 23, 27. 29. 32. statuto tempore quotannis observabantur quatuor illa jejunia, quæ Judæi tempore Babylonice captivitatis, mensibus decimo, quarto, quinto & septimo attendebant, Zach. 7, 5. c. 8, 19. quem locum *Rabbi Mos. Majm.* ita explicat. *Per jejunium quarti indicatur dies 17. mensis Tammus (Junii) quippe sic in mensem quartum: (ratione sc. anni Judæorum Ecclesiastici) per jejunium quinti, dies IX. Abb (Julii) quippe sic in mensem quintum: per jejunium septimi, dies tertius Tisri (Septembris) quippe sic in mensem septimum. Et deniq; per jejunium decimi, dies decimus Thebeth (Decembris) utpote quod sic in mensem decimum incidit, vide tract. supra citat. c. 5. §. 1. seqq.* Causa erat, quia circa hæc tempora Judæi in magnas inciderant calamitates: mense enim 10. Rex Babylonie coeperat oppugnare Jerusale, & mense quarto ceperat civitatem, quam mense quinto desolarat, & mense septimo interfectus erat Gedolias, ut colligere licet ex Jer. 52, 4. 6. 7. 12. 2. Reg. 25, 25. Quæ tandem excepit Jejunium illud mensis duodecimi seu Adar (Februarii) die sc. 14. & 15. quod ex constitutione Mardochai, & ob recordationem calamitatis, quam tunc impendentem Deus averterat, susceperunt, Esther. 9, 20. seqq. Nec non jejunium in hebdomada feriæ secundæ & quintæ, hoc est diei lunæ & Jovis (de quo Luc. 18, 12.) Autores citatos vide apud D. Geierum de *luctu Hebræorum c. 20. §. 10.* De *Esæorum* statis jejniis qui scire avet, adgat *B. Gbenn. Exam. Concil. Trident. part. IV. de Jejunio*, ubi pro-

prolixè hoc ex Josepho & Philone declarat; Hæc enim singula recensere, instituti ratio & pagellarum prohibet angustia.

§. XV. In primitiva autem Ecclesia, utut jejunia erant libera, & nullis temporum cancellis circumvallata, tamen cum publici & ordinarii Ecclesiæ conventus, ad auditum & meditationem verbi, ad usum cœnæ Dominicæ, & ad solennes supplicationes, præter Dominicam in septimana, feria quarta & sexta, plerisque in locis, fierent: servata illis diebus etiam fuerunt jejunia, ut ad auditum & meditationem verbi major intentio, & ad supplicationes publicas major esset devotio, vid. Epiphanius in compend. doctr. Quin & Clemens Alexandrinus lib. 7. Stromat. contra Aërium, meminit jejunii die Mercurii & Veneris observati. Eadem de causa, quia ante festum Paschatos publicam agebant poenitentiam vel baptizandi, vel lapsi, ut infesto absolverentur & baptizarentur: & quia tota Ecclesia ad seriam meditationem passionis & resurrectionis Christi, & ad communem ac solemnem communionem cum reconciliatis & baptizatis tunc se præparabat: observatum fuit jejunium, quod paschale tunc vocarunt, postea vero quadragesimale nominatum fuit. Quæ verba sunt sæpe laudati B. Chermann. locis supra citatis, ubi prolixè etiam legi potest, quomodo ab hac consuetudine sensim prolapsa sit Ecclesia ad superstitiosa Pontificiorum jejunia, quorum etiam hic paucis lineis mentionem faciemus.

§. XVI. Præter igitur jejunia extraordinaria, quæ quis quovis tempore liberè ex propria devotione suscipit, & quæ, secundum ipsos, pertinent ad opera supererogationis, indicta & instituta statò tempore jejunia hæc potissimum numerant (1.) quadragesimam totam exceptis Dominicis (2.) quatuor tempora (3.) jejunia quartæ & sextæ feriæ. vid. Polydorus Vergil. lib. 5. c. 2. lib. 6. c. 3. & 4. de rerum Invent. & alii passim, qui videri possunt apud Dallengium de jejunis lib. 3. ubi de quadragesima agit, & lib. 4. ubi reliquas species recenset. Quæ de jejunio quadragesimali argutè satis, ut ipsis videtur, philosophantur, reservabimus in cap. 3. De jejunio autem quatuor temporum has afferunt rationes, quia sc. in Vet. T. dandæ erant primitiæ. E. in N. T. sub peccato mortali instituenda fuerunt quatuor temporum

jejunium. IV tempore

*jejunium quarto
sextæ feriæ.*

jejunia, ad solutionem primitiarum temporis. Item in V. T. in quatuor mensibus scribuntur fuisse jejunia Zach. 8, 19. E. in N. T. debent esse quatuor temporum jejunia. Jejunio autem quartæ & sextæ feriæ patrocinium quærunt in verbis Christi, dicentis Matth. 9, 15. *venient dies, quando auferetur sponsus, & tunc jejunabunt.* Sed feria quarta Judæi tractarunt de occidendo Christo, sexta autem feria crucifixerunt ipsum. E. illis diebus jejunandum est. Sed quam solidæ hæ sint rationes, videre est apud Theologos passim, imprimis verò *Rivetum Cathol. Orthod. tractat. 2. quest. 10. 13. & 14.*

§. XVII. Stata quoque jejunia ab Æthiopibus Christianis quovis die Mercurii & Veneris, in memoriam tum consilii sanguinari, tum mortis Christi, ad occasum usque solis observari; ut & 40. diebus pane & aqua, per tempus quadragesimæ, contentos illos esse testatur *Damianus à Goes in Pet. Martyris Ocean.* Pariter & Moscovitæ quadragesimale tenent jejunium, cui septem assignant septimanas, quarum prima ita esuriunt, ut & à carnibus & piscibus abstineant, butyrum tamen, lac, ovaque comedant, egregiè interim & strenue potando jejunium istud compensantes. Reliquæ sanctius transiguntur. Nec minus Mahumedani ex instituto Prophetæ sui, annum totius mensis Ramadani jejunium observant. Verba ejus ex cap. 2. Alkorani ex parte invenies apud Clariss. *Hakspanium Syllog. Diss. p. m. 547.* vide & *Fureri Itin.* qui refert, quod Turcæ mense Martio, spatio 30. dierum, ne minimum quidem gustent per totum diem, usque ad vesperam (quamdiu etiam omnes cauponæ clausæ) ubi è templis redeunt. Addit tamen, quod iidem totam noctem lautissime vivendo insumant, & quod mane etiam, antequam oriatur sol, vesci sit liberum, ubi tales plerumque sumunt cibos, qui toto die sitim non excitant. Conf. *Elmazin. lib. 1. hist. Sarac. c. 1. Hoernbec. controuv. relig. l. 3. p. 158.*

§. XIX. A tempore jejunii progredimur jam ad *cibos jejunanti cavendos*; Ubi sane mira variaque, pro gentium varietate, deprehendimus recepta. *Volateranus lib. 13. c. 4.* scribit: Amphiaräum summum Vatem jussisse sacerdotes, qui responsa clara accipere & reddere vellent, integrum diem à cibo, à vino autem

autem triduo abstinere. *Alexand. ab Alex.* refert, apud Traceni-
 nios, qui ad Aridali aram rem divinam facere, & Deorum re-
 sponſa petere vellent, per integrum diem à cibo, à vino autem
 per triduum abſtinuiſſe. Iſidis ſacris initiandus *Apulejus Medau-*
renſis, decem continuis diebus jubetur cibariam voluptatem
 coercere, neque ullum animal eſſe, & in vinus eſſe. *l. 11. Metam.*
p. m. 268. Armeni in jejuniſmo quadrageſimali nil de ovis, lactici-
 niis, carne, oleo vinoque guſtant, ſolis contenti radicibus, fru-
 ctibus & pulte *Brerewod. ſcrutin. relig.* Monachi Græci Caloge-
 ri in quadrageſima & reliquis jejuniis, ne piſcibus quidem ve-
 ſcuntur, aut re aliqua, quæ ſanguinem nutriat, ſolis hortenſibus
 herbis & leguminibus, etiam abſque olei condimento, & piſcibus
 ſalitis vel ſiccatis contenti, vide *Cotovicum itiner. Hieroſol. Chri-*
ſtiani, ait *Socrates Hiſtor. lib. 5. c. 21.* ſecundum alios 22. *de abſti-*
nentia à cibis variam ſequuntur rationem. Nam alii omnino ab o-
 mini animantium genere abſtinent: alii inter animantia piſces ſo-
 los comedunt; alii, cum piſcibus volucres etiam manducant, eas-
 que ex aqua (ut eſt apud Moſen) naſci aſſerunt: alii à fructibus
 duris integumentis involutis (græci *διεγδοῦν* in hiſtor. tripart.
lib. 9. c. 38. Caſſiodori caulibus, & in margine, caſeis, baccis,) &
 ab ovis temperant: alii arido pane ſolo veſcuntur, alii ne illo qui-
 dem. Sunt qui cum ad horam nonam jejunaverint, *Νό. Πορν. ἐχγ-*
ον τὴν ἐς ἰαὸν ſine diſcretionem ciborum reſciuntur, (interprete
 Caſſiodoro) vid. *Rivet. t. 1. tract. 2. queſt. 11.* Judæi hodierni,
 cum menſis labitur Julius, iisdem nimio opere ſemper infauſtus,
 à primo die ad decimum uſque, nullam comedunt carnem, nul-
 lum bibunt vinum. Die octavo tantummodo lentibus, in mœ-
 ſtitix ſignum, veſcuntur. Erva, fabas, leguminaque ſimilia non
 edunt, hanc aſſignantes rationem, quod lentæ lineam nigram
 ori ſimilem, quæ apparet in ervis, fabis, & ſimilibus non habent,
 ideoque nec os ullum, & idcirco hominem triſtem, qui velut os
 non habens nihil loquatur, repræſentant. *Buxt. Syn. Jud. c. 25.* Vel
 ſi rationes phyſicas mavis, quod lentæ lugubris ac melancholi-
 cus ſint cibus, ex ſententia Galeni & Dioſcoridis (apud *Cæl. Rho-*
dig. l. 23. A. L. c. 22.) quibus in animis veſcentium æquanimitas
 quædam & quaſi lentitudo concitetur, ut vult *Plinius lib. 18. N. H.*

§. XIX. *Ritus* denique Jejuniorum quod attinet, hi itidem apud varios erant varii. In veteri Instrumento jejunantes ab omnibus vel certe delicatioribus cibis abstinentes somnum oculis suis non usurpabant; purpuram & holoserica deponentes induebantur sive cingebantur faccis, vestes item scindebant & lacerabant; insuper abstinebant à conjugum mutuo amplexu, ab unguentis & lotionibus, fletibus & planctu omnia implentes: incedebant incurvato capite, desolati sedebant, humi cubantes quandoque, capiti cinerem inspergebant in pulvere confidentes, ab omni labore feriabantur, sacrificia ex lege Deo offerentes. Vid. *Ravanel. Bibl. S.* in voce *Jejunium*. Quibus B. *Chemn. part. 4. Exam. C. T. de Jejunio* addit ex 1. Sam. 7; 6. quod Israelitæ jejunantes hauserint aquam eamque coram Domino effuderint, dicentes: *peccavimus Domino*. Usi autem sunt illa aquæ effusæ ceremonia, in signum & commonefactionem humiliatio- nis, quasi dicerent: nos sumus coram te propter peccata, tanquam aqua hæc effusa, quæ conculcatur, diffluit & absorbetur.

§. XX. Hisce Judæi, traditionibus mirè addicti, ex Scribarum instituto nonnullos alios addunt ritus: In jejniis enim propter angustiam populum invadentem clangunt tubis. Quod si vero in sanctuario fuerint, clangunt & tubis & cornu; (Cornu quidem sonum fractum edit, sed tubæ fixum & æqualem.) Vide plura de his jejunantium ritibus apud *Majmon. tract. de jejun. Hebr. c. 1. §. 4. & c. 4. §. 14. seqq.* D. *Geierum de luctu Hebræor. c. 20. §. 13. Buxtorf. Synag. Judaica c. 25.* ubi refert, quod in jejunio tertio, mense quinto (Julio), die nimirum 9. mensis ejus observato, quia templum eo die inflammatum in cineres re- ductum est, discalceati incedant, super terræ solo sedentes, histo- rias tristes & threnos Jeremiæ legentes, in cœmeterium sese conferentes, ibidem quoque conquerantur, cumque animabus vita functorum mœreant.

C A P. II.

De Jejunio Christi Quadragesimali.

§. I.

PRæmissa sic aliquali, quamvis nimis jejuna jejunii conside-
ratio.

ratione, thema nostrum recta nunc aggredimur, Quadragesimale meritissimi Salvatoris jejunium pro ingenioli modulo tractaturi.

§. II. Observandum autem hic statim sub ingressum venit illud, quod summus Theologus B. D. Job. Gerhardus in *disputatione Academica tom. I. p. m. 1070. de miraculoso jejunio* monet, scilicet illud fuisse vel *ψιλὸν αὐθεντικὸν* ac *typicum*, ut Moysis & Eliæ in V. T. quorum uterque divino miraculo ad doctrinæ confirmationem jejunavit; vel *θεαργεῖαν* & *planè singulare*, Christi scilicet Jesu, Salvatoris nostri.

§. III. Moysis jejunium describitur Ex. 24, 18. & 34, 28. Deut. 9, 9. 18, 25. C. 10, 10. Elia 1. Reg. 19, 8. Christi autem Matth. 4, 2. Marc. 1, 13. Luc. 4, 2. Circa quod imprimis nobis notanda venit (1.) *occafio*, (2.) *tempus*, (3.) *locus*, (4.) *forma* & (5.) *finis*. De singulis breviter.

§. IV. Postquam enim Salvator noster à Johanne Baptista, ejus *I. occasio* Præcurfore, in aqua Jordanis, baptismi sacris initiatus, & ad ministerium suum obeundum solemniter Patris coelitus delapsa voce, & Spiritus S. in specie columbæ super ipso apparitione inauguratus fuerat, quo summa infirmitate & humili exinanitione ministerium suum aggrediretur, *ἐν ᾧ* statim, illicò, ut Marcus c. 12. dicit, *ἐκβαλὼν αὐτὸν ἔξ τῆς ἐρημίας*, expellit ipsum, non invitum aut motione coactiva, sed sicut operarii in messem Domini mittendi, peculiari Spiritus S. impulsu aguntur Matth. 9, 38. Luc. 10, 2. Matthæus utitur vocabulo *ἀνέχθην*, submotus & quasi è medio sublatus est; & videri posset talis fuisse ductus, sicut de Elia scribitur 1. Reg. 18, 12. 2. Reg. 2, 16. & de Ezechiele c. 3, 12. & c. 11, 1. Lucas tamen, c. 4, 1. hoc vocabulum Matthæi explicat per *ἤνεγκεν*, quod de peculiari interiori impetu & impulsu Spiritus S. usurpatur Rom. 8, 14. Gal. 5, 18. Ductus igitur fuit Salvator à Spiritu S. in desertum, ibique per quadraginta dies & noctes jejunavit. Mirabilem autem hic notamus *καταστροφὴν*. Summam enim Christi majestatem & gloriam in baptismo collatam, subito sequitur profundissima exinanitio, qua ipse etiam Dei Filius, Satanae illusionibus & tam diuturno jejunio fuit expositus. Verum hac de re Theologi alibi prolixè agunt.

§. V. Et hæc de occasione, quam excipit *tempus* jejuni-
hujus; circa quod observandus venit tum *terminus à quo*, tum
terminus ad quem. *Terminus à quo* definiendus erit ab anno ba-
ptismatis Christi. Quia enim teste Marco c. 1. 12. ἐν τῷ ἑνὶ ἐνιαυτῷ, confe-
stim, statim post baptismum suum Christus in desertum fuit de-
ductus, ibique jejunium incepit; annus ætatis Christi, quo est ba-
ptizatus, erit etiam annus jejunii.

§. VI. In determinando autem anno baptismatis Christi
mira est Autorum varietas. Nos saltem quorundam sententias
recensebimus, judicioso lectori relinquentes. *Epiphanius*
heres. 51. ait, Christum cum baptizaretur fuisse annorum 29. &
mensium 10. *Historia Scholastica* (cujus Autor est *Petrus Comestor*,
qui floruit circa annum Ch. 1150. *B. Chemn. prolegom. in Harm.*
c. 2. B. Gerhard. Patrolog. p. m. 582.), *Lyranus*, & his vetustiores
Apollinaris & *Victorinus* posuerunt Christum baptizatum esse in
principio anni trigesimi ætatis, cum vicesimus nonus annus
completus esset, & præterea usque ad sextum Januarii exacti
dies tredecim. Sed hanc sententiam cum particula ὥσπερ, quæ ex-
tat Luc. 3, 23. non stare posse, existimat *B. Chemnit. proleg. in*
Harm. c. 3. Sicut enim, inquit, quando dicitur, erant quasi quinq; mil-
lia, non intelligitur quod fuerint tantum quatuor millia & ultra vel
decem, vel triginta; sed quod numerus non procul abfuerit à quin-
que millibus. Aliàs enim diceretur: erant quasi quater mille. Ita
si Lucas voluisset notare annos tantum 29. & paucos dies, trede-
cim scilicet ultra, non dixisset: erat quasi triginta annorum: sed
quasi viginti novem annorum.

§. VII. Alii duo illa vocabula, δεχόμενος ὢν, non refe-
runt ad annorum supputationem; sed ita interpretantur: Jesus
δεχόμενος, h. e. cum in baptismo à Patre inauguratus inchoa-
ret ministerium suum, erat quasi annorum triginta: ὢν exi-
stens, sicut putabatur, filius Josephi. Quæ sententia *B. Chemnitio*
l. c. concinna & optimè cum Grammatica conveniens videtur.
Est igitur mens *B. Chemn.* ut videre est ex ipsa *Harmon. c. 17.* Chri-
stum anno ætatis 30. nondum completo, sed fermè ad finem ver-
gente, baptizatum esse.

§. VIII. Alii vero, inter quos est *Josephus Scaliger l. 3. Ca-*
nonum

nonum Isagog. putant, Christum ad baptismum accessisse trigesimo anno completo & trigesimo primo ineunte. Nobis, inquit, ex usu loquendi constat, Christum ad baptismum accessisse trigesimo anno completo, & trigesimo uno ineunte. ἢν δὲ χόμην & ὧν ἐτῶν τεράκοντα: incipiebat esse annorum triginta. Hoc non potest dici de eo, qui init trigesimum annum, sed de eo, qui nuper triginta annos ætatis complevit: & cum trigesimum primum natalem suum celebrat, ille verè est δὲ χόμην & ὧν ἐτῶν τεράκοντα. Et post pauca: Neq; aliter interpretatur Theophylactus: neq; aliter vulgò loquimur. Quis enim sanus dixerit: se esse triginta annorum, qui trigesimum annum tantum inchoavit? Idem sibi objicit adverbium ὥσεί, & respondet sibi lib. 6. de emendatione temporum h. m. Hebraismus ὥσεί advertendus, quo utuntur nunc affirmanter, nunc dubitanter: id exprimentes per literam suam servilem Caph. Duplicis enim notionis est. Aut enim est Caph ἀπορητικόν, seu σοχαστικόν illorum idiomate ita nominatum: aut Caph, quod ἀληθινόν vocant, cujusmodi est in hoc loco Luca. Eo enim utuntur, cum ita rem affirmant, ut de ea dubitari minimè debeat: ut Johannis primo: δόξα ὡς μονογενῆς: ubi μονογενῆ, affirmanter vocat. conf. B. Glass. Grammat. S. lib. 3. tract. 3. canon. 3. Eandem quoque cum Scaligero sententiam tuetur Isaac. Casaubon. Exerc. 13. in Baron. c. 9. ipse tamen novam addit adhuc rationem, quia scilicet apud Judæos ministerii sacerdotalis ætas legitima erat annus 30. exactus, admodum probabile esse, Dominum nostrum ad ministerii sui functionem non prius accessisse, quam illum annum impleffet. Nec abludit August. Torniiellus in Annal. Sacr. & Prof. tom. 2. p. 378. qui statuit fuisse diem 6. Januarii, anni ætatis Christi 31. quo in desertum sit abductus. Idem quoque diem 16. Februarii determinat, quo cœperit Christus esurire, innuens terminum ad quem, dies nempe 40. exactos.

§. IX. Succedit jam locus jejunii hujus quadragesimalis, qui ab Evangelistis vocatur ἐρημὸς, non determinando quale fuerit desertum, cum tamen partim in Judæa, partim in Galilæa plura fuerint deserta: B. Chemn. cap. 19. Harmon. putat hic intelligi desertum illud Magnum, in quo filii Israel per 40. annos vagati sunt, his motus rationibus. (1.) quia reliqua deserta per additionem

nem

nem aliquam circumscribuntur, ut desertum Judææ, Ziph, Maon &c. Desertum vero Magnum simpliciter, sine additione, quasi per Antonomasiā vocatur ἡ ἐρημία. (2.) In reliquis desertis vel alicubi quædam sunt hominum habitationes: sed in deserto hoc fuit Christus cum feris per 40. dies. (3.) Quæ hic describuntur, pulchrè accommodari possunt ad typum filiorum Israelis in deserto. Est enim ibi locus tentationis Ex. 17, 7. Est locus, ubi non in pane vixit homo Exod. 16, 4. Et Christus ipse hos locos in tentatione allegat. Ibi Moyses, ibi etiam Elias jejunavit 40. diebus & 40. noctibus. vid. *Prolegom. in Harm. c. 4.*

§. X. *Scholastici* vero, & plurimi Interpretum Eremum hanc dicunt esse montem arduum, in quem Christus discessit, non longè distantem à loco, in quo erat à Johanne baptizatus. Locum autem hunc, docente *Bonaventura de vita Christi c. 16.* distare à Jerusalem decem & octo miliaribus. Montem vero jejunii à loco baptismi sejunctum esse, eodem *Bonav. teste. c. 17.* miliaribus ferè quatuor, & à Jericho duobus tantum miliaribus, notante *Aranda*, terræ sanctæ exploratore *c. 27.* Quarantanam hoc tempore appellari statuunt, ob jejunium Christi 40. dierum. In præalti hujus montis cacumine conspici facellum ruinofum, jejunio & oratione Christi venerabile, & quæ aliæ hac de re traditiones hinc inde occurrunt. Vid. *Borchardus* oculatus hujus montis testis, *part. 1. c. 7. §. 28.* & *Adrichomius in descriptione tribus Benjamin n. 97.* citante *Barradio in Comm. in Concord. & Histor. Evangel. tom. 2. lib. 2. c. 1.* conf. *Heidmanni Palaestinam c. 7.*

§. XI. *Fridericus Spanhemius in dub. Evangel. p. 3. dub. 50.* refert quosdam hic ad allegoricum interpretamentum delabi, urbem Hierosolymam hic intelligendam censentes, ut *domum desertam*, plenam feris. Ipse vero, refutata hac opinione & recensitis aliorum placitis, in re tam incerta τὸ ἐπὶ ἐξεν arripit.

§. XII. *Formam* deinde jejunii hujus quod attinet, eam consistere putamus (1.) in ἀστία & abstinētia totali ab omni cibo, id quod expressè Lucas testatur *c. 4. 2.* inquiens ἐν ἐφάγῃ καὶ ἐπότῃ. Observat autem ad talem loquendi formulam *B. Glass, Gramm. S. l. 3. tract. 5. can. 20. (α)* quod duæ negationes apud

apud Græcos fortius negent. (2.) quod si γ vel $\sigma\alpha$ cum $\delta\epsilon\iota\varsigma$ nullus vel $\delta\epsilon\upsilon$ nihil conjungantur, tum nomina illa negativa per quisquam vel quicquam latine esse exponenda, sic Luc. 20, 40. *Et amplius $\sigma\alpha$ non audebant interrogare eum $\delta\epsilon\upsilon$ nihil h.e. quicquam.* Conf. Joh. 5, 30. c. 12, 19. c. 15, 5. c. 16, 24. (2.) *per 40. dies & 40. noctes continuata*; quod innuit Matth. c. 4, 2. qui procul dubio ideò hæc tam sollicitè notavit ex inspiratione Spiritus S., ne existimaretur Salvatoris nostri jejunium tale fuisse, quale Judæi tum temporis celebrabant, per diem jejunantes, in vespera & nocte, autem cibum sumentes, prout supra notavimus. Si verò quæ- ratur, cur jejunium Christi ad 40. dies & totidem noctes protra- ctum fuerit, nec vel citius finitum, vel ulterius extensum? Nihil hic moramur scholasticorum subtilitates, de numero quadrage- nario, de quo alibi. Videtur potius hic in sola Christi volun- tate subsistendum esse, cui, Moysis & Eliæ exemplo, hanc jejunio suo periodum præfigere placuit, tum ut consensum suum cum illis exprimeret, tum ut miraculum indicaret. Adde, quæcunque alia periodus selecta fuisset, quæstionem semper redituram. (3) *Et quidem sine fame & esurie.* Siquidem post exactos demum 40. dies & 40. noctes $\upsilon\pi\epsilon\rho\gamma\epsilon\pi\epsilon\iota\nu\alpha\sigma\tau$, qua locutione uterque Evange- lista Matth. 4, 2. & Luc. 4, 2. utitur. Mira iterum hic est Scholasti- corum curiositas, anxie quærentium, qua ratione tot dierum & noctium jejunium à Christo sustineri potuerit, qua ratione cor- pus ipsius nutritum, an per intentionem virtutis nutritivæ prio- ris cibi, an per suspensionem actionis caloris naturalis, an per, corroborationem humoris radicalis, an per retentionem appeti- tus, & aliis id genus modis? Tutissimum videtur in hisce acqui- escere, quæ nobis revelata sunt. Satis est si res teneatur, modus ignorari potest sine dispendio.

§. XIII. Restat adhuc *finis* expendendus, cur Christus jejunium hoc quadagesimale suscepit, cum id indecorum vi- deatur, & non conveniat cum summa dignitate & sanctitate Chri- sti. Jejunium enim aliàs solet suscipi vel ad edomandam carnis praviæ libidinem & concupiscentiam, vel ad avertenda judicia Dei propter peccata vel præsentia jam, vel adhuc imminencia, ut supra cap. 1. ostensum. In Salvatore autem nostro, immaculato illo

agno, nec *aliqua* fuit, nec obnoxietas ad iudicia Dei, quippe cuius Filius unigenitus & charissimus erat. Sed hisce nihil obstantibus, sapientissimus tamen Salvator pręgnantes adhuc habuit causas, five fines, quibus motus miraculosum hoc sustinuit jejunium. Potissima ratio videtur petenda esse à summę sapienti ejus consilio & voluntate, cui id expedire visum est. Subjungi tamen possunt alię haud spernendę, scilicet ut ostenderet Salvator noster, munus sibi extraordinarium incumbere, quale Moysi ad publicationem cultus divini, Elię ad instaurationem ejusdem olim incubuit; ut peccata nostra expiaret, ut verum jejunium nobis commendaret, & quę alię recensentur à B. *Joh. Gerhard. Hom. I. Dom. Invocavit, Fried. Spanhemio Dub. Evang. part. 3. Dub. 53.*

CAPUT III.

De

Quadragesimali Pontificiorum jejunio.

§. I.

EXpositis sic *II. capite*, quę videbantur facere ad thema nostrum de jejunio Christi quadragesimali, *III. hoc capite* quadragesimale Pontificiorum jejunium, quod ex jejunio Salvatoris nostri mille rationum fidiculis exsculpere satagunt, paulisper excutiemus, & quam infirmo nitantur tibicine, quoad fieri potest, brevissimę ostendemus.

§. II. Invariata quidem Augustanę Confessioni addicti jejunia penitus non improbant, ut à Pontificiis Bellarm. lib. de notis Eccles. c. 9. §. Aëriani. it. lib. 2. de bonis operibus. Maldonato in Summul. quest. 23. art. 12. Stapleton. in Promt. Catb. Dom. I. Quadrage. p. 89. & aliis accusantur, cum potius ipsa *August. Confess. art. 5. de discrimine ciborum* hanc calumniam avertat, inquiens: Hic objiciunt Adversarii, quod nostri prohibeant disciplinam & mortificationem carnis, sicut Jovinianus. Verum aliud deprehendetur ex scriptis nostrorum. Semper enim docuerunt de cruce, quod Christianos oporteat tolerare afflictiones. Hec est vera, seria & non simulata

simulata mortificatio, variis afflictionibus exerceri & crucifigi cum Christo. Cui ad stipulatur Confess. Württemberg. in cap. de jejunio: Jejunium sentimus utile esse, non in hoc, ut vel operis sui merito expiet peccata coram DEO, vel applicet jejunanti meritum Christi, sed ut sobrietate carni injiciat frenum, ne homo crapula & ebrietate impeditus, vocationi DEI minus obsequatur, & suo officio oscitanter defungatur. Conferantur Theologi nostri passim.

§. III. Quod & veritatis hisce radiis compulsi, nonnulli Adversarii lubentes fatentur, Cassander consult. art. 15. In Confessione Saxonica, inquit, protestantium Principes aperte scribunt, se publicæ pacis causa stata jejunia & hujusmodi traditiones libenter observare velle, his conditionibus, ut doctrina Evangelii de Justificatione per fidem sincere tradatur, nec in illarum traditionum observatione justitia & fiducia salutis collocetur. Neve Cassandri testimonium repudietur, addimus ipsorum Jesuitarum suffragium. Pererius in Comment. Rom. cap. 14. disp. 3. n. 20. Philippus Melancthon non negat jejunii & rerum indifferentium observationem posse homini prodesse & conducere ad cultum DEI, non tamen immediate, sed mediate, facit enim jejunium, ut homo sit aptior ad fundendas preces, in quibus est cultus DEI. Ipse etiam Bellarm. sui quasi oblitus l. 2. de B. O. in partic. c. 11. in princip. Brentius & alii Protestantium docent, jejunium utile esse ad carnis petulantiam coercendam, ad orationis auxilium, ad signum humilitatis & patientia.

*non mediate, sed
immediate*

§. IV. Hoc tamen Pontificiis largiri non possunt, quod ore impudente & in sufficientissimum Christi meritum injurio non verentur dicere, jejunium suum quadragesimale, ad imitationem Christi, ut ipsis videtur, susceptum, peccata expiare, DEum placare, meritoque suo beneficia divina impetrare, impetrata custodire, & quæ aliæ hujus monetæ formulæ in ipsorum scriptis passim reperiuntur. Vid. Azorius lib. 7. Inst. c. 21. §. certe. Petrus à Soto in assert. fidei Cathol. p. 49. Bellarm. lib. 2. de B. O. in part. c. 11. Gregorius de Valentia tom. 3. disp. 9. quest. 2. punct. 2. Staplet. in Promptuario (καὶ ἀντιλογίαν) Catholico. Dom. I. Quadrag.

§. V. Sed dispiciendum nobis jam erit, quid rationes Pontificiorum

officiorum in recessu habeant, & an id solidè probent, quod probandum erat. Palmarium ipsorum argumentum, & quod quam maxime ad institutum nostrum facit, desumptum est ab exemplo Christi. In forma forsan erit tale :

Cujuscunque exemplum ipse Christus nobis suppeditat, illud nobis summo studio est imitandum.

Jejunii quadragesimalis exemplum ipse Christus nobis suppeditat. E.

§. VI. Verum quid hoc aliud est, quam argumentari à baculo ad angulum? ut scitè arguit *D. Job. Meisnerus Exerc. 2. in Matth. §. 3.* Distinguendum enim est circa majorem inter exemplum Christi ordinarium & extraordinarium. De ordinario si intelligatur, major, ambabus eam largimur manibus. Sed sic minor falsitate non caret, cum exemplum hoc jejunii Christi quadragesimalis non sit ordinarium, sed extraordinarium & miraculosum. Sicut exemplum Christi Salvatoris nostri in rebus imitandis sequi laudabile est; ita in actibus quibusdam singularibus & extraordinariis præsumtuosum foret & ridiculum illud imitari. Absurdus enim esset, qui Christi exemplo panes multiplicare, vinum in aquam convertere, ventis imperare, ac mortuos resuscitare conetur. Pulchrè hac de re *Augustissimus Hipponensium Praesul* scribit in *Psalm. 90.* *In quo imitaturi sumus vias Christi? Numquid in ea magnificentia, in qua DEus erat in carne? Aut ad hoc nos exhortatur, aut hoc à nobis exigit, ut talia miracula, qualia fecit ipse, faciamus? Non hoc dixit, non eris discipulus meus, nisi ambulaveris super mare, aut nisi suscitaveris mortuum quatrduanum, aut nisi oculos cæci nati aperueris: nec hoc. Quid est ergo intrare per januam? Discite à me, quia mitis sum, & humilis corde.* Et *Chrysost. in Matth. Homil. 47.* *Non enim dixit jejunium suum esse imitandum, quamvis quadraginta illos dies posset proponere: Sed, discite à me, quia mitis sum & humilis corde. Imò vero contra, cum Apostolos ad Evangelisandum mitteret, non dixit jejunate, sed quicquid vobis apponitur, edite.*

§. VII. Sed hic excipere videntur Pontificii, nominatim *Stapletonus l. c.* inquiens: *Neque enim vel nihil in Christo est imitandum, (quod contradicit Petri verbis 1. Petr. 2. imò & Christi dicentis:*

centis: In hoc cognoscent omnes, quod discipuli mei estis, si dilexeritis ad invicem, sicut ego dilexi vos *Job. 13.* Ubi suam dilectionem nobis imitandam proponit) vel omne, quod vires nostras superat. Quid ergo in Christo imitandum sit, quid non, docere nos debet Ecclesia, per doctrinam sanctorum Patrum, non superba heresis.

§. VIII. Ast præterquam quod hæc sit insufficiens disjunctio, cum detur adhuc tertium: aut nihil, aut omne, aut aliquid in Christo est imitandum; negamus etiam Ecclesiam per sanctorum Patrum doctrinam nos docere, Salvatorem nostrum in jejuniis suo quadragesimali esse imitandum.

§. IX. Etiam si enim Patres, dum commendant jejunium, auditoribus suis exemplum quadragesimalis jejunii Christi suo modo imitandum proposuerint, bene tamen monet *B. Chemonitius part. 4. Exam. C. T. pag. 763.* Patres, dum encomia jejunii nimis rhetoricè amplificare voluerunt, multa testimonia ex Scriptura, quæ de jejuniis propriè non loquuntur, huc detorsisse, & hanc catachresin non pauca incommoda huic doctrinæ attulisse. Simili quoque catachresi, dicit, omnes fermè ad jejunandum exhortatos esse Ecclesiam inde, quia Moses, Elias & Christus per quadraginta dies & noctes sine aliquo cibo, usu jejunii, perseverarunt. Idem etiam accidit sanctis illis doctrinæ cœlestis propugnatoribus, ubi jam deventum fuit ad finem & fructum jejunii, ibi sapissimè ea, quæ vel pœnitentiæ vel fidei propria sunt, jejuniis, tanquam causæ remotiori, Rhetorica amplificatione tribuerunt. Existimarunt enim se hujusmodi rhetoricis aggregationibus efficacius posse homines ad suscipienda & exercenda jejunia permoveere: Sicut *Chrysost.* ipse ingenuè fatetur in libro de compunctione cordis quædam cohortatoriè magis, quam verè dici; Unde & in aliis locis semetipsos quam dexterrimè explicant.

§. X. Et ut rem in pauca contraham, & uberrimam messem in manipulos stringam, potissimum titulo imitationis Christi, ut audivimus, Pontificii jejunium suum quadragesimale commendare solent, sed admodum jejune. Si enim est imitatio, cur quotannis repetitur? cum semel tota vita tale jejunium Christus susceperit. Deinde si exemplum hoc est, quod sequi debeamus; eadem fuit in Mose & Elia ratio. Cur ergo tot sancti Re-

ges & Prophetæ imitationem hanc neglexerunt? Tota certè vetus Ecclesia non parvo reatu tenebitur. Cur etiam Dominus ipse, cum adhuc in terris ageret, sui exempli nullam inter discipulos haberi rationem passus est? Excusat enim eos, quod non jejunent. Præterea num hoc est æmulari quadragesimale Christi jejunium, abstinencia qualicunque defungi? Abstinere à carnibus, interim tum delicatissimis cupediis, varieque præparatis piscibus, tum generosissimo vino uti.

§. XI. Taceo jam insignes abusus, qui in Pontificiorum jejunio etiam quadragesimali observare licet, quos colophonem capiti huic impositurus, paucis attingam verbis *Mart. Peresii Episcopi Guidixiensis de tradit. part. 3.* ubi graphicè de ludibriis jejuniorum Papisticorum agit. *Pudet certè me, inquit, loqui de hac virtute sacrosancta (jejunii) quæ nominetenus hodie in Ecclesia observatur, nam neque apud eos solùm, qui jejuniorum præscriptiones damnant, neque apud nos, qui meritò eas defendimus, in usu sunt sancta jejunia, nisi tantùm secundum quandam externam ceremoniam. Putamus enim nos jejunare, nisi semel in die usquè ad ingluviem prandium faciamus, probè poti, & melius pasti: Summentes cibos non pro natura sustentatione, aut unius diei duntaxat, sed in tanta quantitate, ut vel Miloni olim pro tribus diebus potuissent sufficere. Taceo qualitatem & differentiam cibariorum & condimentorum. Tam neque mare neque terra, neque aer, neque salsamentarii sufficiunt gula nostra. Et utcunque tolerabile esset, si hac ingluviei contagio solos laicos comprehenderet, & non potius multos nostri ordinis Sacerdotes, religiosos, & Prelatos Ecclesiæ pervaderet, quos video huic rei tantum invigilare, ut potius ad ventris voracitatem natos esse dixeris, quam ad imitandam Apostolicam modestiam, in fraudem pauperum, & destructionem castitatis, quæ sum sanctis jejniis terras jam videtur reliquisse.*

CAPUT IV.

Socinianorum Matæologiam circa jejunium Christi quadragesimale exhibens.

§. I. Restat

Restat adhuc, ut Pontificiorum κακοζηλία depulsa pedem promoveamus ad monstrosam illud Socinianorum commentum, quo, destituti omnibus Scripturæ fundamentis, omni antiquorum Doctorum consensu, blasphema insuper decepti hypothesis, in Christo non dari duas naturas, divinam & humanam, statuere non erubescunt, Salvatorem nostrum tempore jejunii quadragesimalis non fuisse in deserto, sed sub initium illud ministerii sui adscendisse in coelum, & ibi à Patre mysteria coelestia edoctum, sic rursus in terram descendisse.

S. II. Ut autem res fiat clarior, juvat paulisper inspicere in illorum sententiam, & fundamenta, quibus nititur, brevissimis excutere. Verba Socinianorum, quibus sat clarè suam mentem explicant, qui legere vult, adeat *Socin. tract. de D E O, Christo & Spiritu S. p. 12. Osterodum in Institut. German. c. 16. p. 91. Catechesin Racov. maj. c. 1. de persona Christi. Smalcium de divinis Christi c. 4. contra D. Franzium p. 74. contra Hermann. Ravensbergerum, fermè sub finem, & contra Martin. Smiglecius de verbo Incarn. c. 8. Job. Volkeliu lib. 3. de vera religione c. 5. Schlichtingium in cap. 3. Job. alios.*

S. III. Argumenta autem, quæ pro probanda hac sua sententia adducunt, partim desumunt ex Scriptura, partim ex ratione. Præsupponunt autem hic & pro evictio habent, Christum non habere duas naturas, divinam & humanam, sed tantum humanam, quam in utero Mariæ virginis ex substantia matris suæ accepit, & propterea ante generationem suam temporalem non extitisse. Cum igitur ab Orthodoxis urgentur dictis Scripturæ, quæ divinitatem Christi aperte probant, & in quibus dicitur, de coelo descendisse, de supernis esse, à Patre exivisse, qualia sunt Joh. 6, 13. c. 3, 31. c. 6, 38. c. 8, 23. c. 16, 28. quo se ex his expedire queant, & ne victas manus porrigere cogantur, duplicem adscensionem Christi fingunt; alteram quæ, secundum ipsos, facta sit, quando Salvator baptizatus & Spiritu S. donatus, quadraginta dies jejunavit: ibi enim Christum localiter in coelum adscendisse, patrem suum vidisse, & ab eo mysteria salutis edoctum fuisse, ut mentem Socinianorum explicat B. Job. Gerhard. *Disp. Acad. tom. I. p. m. 503.*

Alteram, qua post resurrectionem ex mortuis in cœlum fuit sublatuſ.

§. IV. Conſictam igitur hanc ſuam diſtinctionem ut aliquo probabilitatis colore incruſtent, producunt locum ex Joh. 6, 61. *Hoc vos offendit? Quid igitur ſi videritis Filium hominis adſcendentem eo, ubi erat prius?* Et c. 16, 28. *Exivi à Patre & veni in mundum. Iterum relinquo mundum & vado ad Patrem.* In priori, inquit Smalcius de divinitate Chriſti c. 4. dicitur, *Filium hominis adſcendiſſe, ubi erat prius. Quo vero poſtea adſcendit? Nemo eſt, qui neſciat eum adſcendiſſe in cœlos. In cœlis igitur fuit, antequam illuc adſcenderet, ut ibi perpetuo maneret. In poſteriori ſimiliter expreſſe affirmatur, Chriſtum ita relicturum mundum, & iturum ad Patrem, ut exierat à Patre & venerat in mundum. At Chriſtus reipſa & localiter ex mundo ad Patrem ivit. E. etiam ſtatuendum eſt, eum reipſa & localiter à Patre veniſſe in hunc mundum, & conſequenter eum prius in cœlo fuiſſe, quam in mundum venerit.*

§. V. Deinde idem Smalcius ibidem, dicit admodum, abſurdum fore & videri ſibi, Jeſum in cœlis non fuiſſe antequam munus ſuum obiret, & Evangelium docere inciperet, & alio modo, quam per ipſam DEI converſationem & colloctionem, omnium eorum quæ nos docuit, cognitionem conſecutum eſſe. Multum enim ſane decederet præſtantiæ & divinitati muneris Chriſti, ſi eodem, quo alii ante eum edocti fuerunt, ipſe etiam doctus fuiſſet modo: Et, quod majus eſt: Si, qui poſt eum fuit, Apoſtolus Paulus, in cœlum fuit raptus, ut ibi doceretur ab ipſo Chriſto ea, quæ alios docturus erat, qua de re etiam gloriatur, plurimum, cur id quod ſervo contigit, Domino contingere non potuerit? Præſtantiore modo doctus fuerit ſervus, quam ipſe Dominus? Moſes, cum legem ei DEUS daret, in montem ſacrum fuit vocatus, ibi cum DEO per certum temporis ſpatium comoratus, deinde demum dimiſſus fuit, & ita eruditus à DEO, multa populum docuit, quæ ibi viderat. Umbra ſcilicet hæc fuisse ejus, quod Chriſto eventurum erat, uti ipſe Moſes ſignum erat Chriſti. Idem argumentum etiam longo verborum ambitu, & multis ſchematum lenociniis pertractat Schlichtingius in cap. 3. Johannis.

§. VI. Priusquam autem ad hæc, quæ commentus est Smal-
 cius, responsionem reponamus, ex historia Evangelica lubet pau-
 cis demonstrare, hanc assertionem Socinianorum prorsus eidem
 repugnare, & ne apicem quidem hac de re in historia jejunii &
 tentationis Christi haberi, cum tamen quam maxime conveniens
 fuisset, tam publicum & illustrem actum, tam augustam Christi
 initiationem in cœlis factam, in scripturis sacris, quæ aliàs res mi-
 noris momenti accuratè prosequitur, cū omnibus circumstantiis
 descriptam extare. Clare autem & uno quasi ore Evangelistæ te-
 stantur, Christum post baptismum à Spiritu S. *Ἐθὺς* statim, con-
 tinuò, nulla interjecta mora, ut Marcus c. 1, 12. loquitur, abductum
 esse in desertum. An in desertum, & inde ex deserto in cœlum?
 Minimè. In desertum referunt Evangelistæ, cœli ne memine-
 runt quidem. Et ne quis sibi forsitan imaginetur, Christum id-
 eo à societate hominum fuisse substractum, in loca salebrosa & avia
 abductum, jejuniumque tam diuturnum suscepisse, ut inde & hac
 occasione in cœlum, doctrinæ suæ hauriendæ gratia assumere-
 tur, Evangelista Matth. rationem addit c. 4, 1. inquit: *Tunc Je-
 sus substractus est in desertum, πειρασθῆναι δὲ πῶς τὸ Διὰβόλον, ut tenta-
 retur à Diabolo.* Non autem demum post quadraginta exactos
 dies, à diabolo fuit tentatus, sed Marcus c. 1, 13. dicit: *καὶ ἦν ἐκεῖ ἐν
 τῇ ἐρήμῳ, ἡμέρας ἑσσεράκοντα, πειρασζόμενος δὲ πῶς τὸ Διὰβόλον, καὶ
 ἦν μετὰ τῶν θηρίων, & Lucas 4, 2. ἡμέρας ἑσσεράκοντα πειρασζό-
 μενος δὲ πῶς τὸ Διὰβόλον,* innuentes, licet diabolus demum con-
 summatis quadraginta diebus Salvatorem nostrum ipse accesserit
 & loqui cum eò cœperit, ut Matth. c. 4, 3. refert, tamen antea
 ei externas tentationum occasiones objecisse, penuriam scilicet
 rerum necessariarum, & discursum ferarum, ut arbitratur *B.
 Chemn. Harm. Evang. c. 19.* Quid si autem ex eo, quo tentatus
 fuit Salvator, cœlum petiisset? Nec hoc verum. Aliam hac de re
 veritatem suppeditat Lucas c. 4, 13. narrans, Salvatorem postquam
 diabolus omnes tentationes consummasset, reversum esse cum
 virtute Spiritus in Galilæam.

§. VII. Ne jam quid dicam de eo, quod plane opus non
 habuerit Salvator, ut adscenderet tum demum in cœlum & volun-
 tatem Patris sui addisceret. Nam hæc jam antea noverat. Spi-

ritu enim S. plenus revertitur à Jordane, & actus est ab eodem Spiritu in desertum Luc. 4, 1. Eo baptizato vox cœlitus delapsa, eum Doctorem unicè audiendum declaravit, inquit: *Hic est Filius meus dilectus, in quo mihi complacuit.* Nota hic articuli o-
bis repetiti singularem emphasin. *Vid. Glass. Gramm. Sacr. lib. 3. tract. 2. can. 1.* Quis autem sibi unquam persuadeat, Patrem cœ-
lestem in voluntatis suæ ignaro & demum erudiendo sibi com-
placuisse. Taceo quod hic summe sapiens Salvator duodecen-
nis adhuc puer inter Seniores, Scribas & Sacerdotes interrogando
& respondendo, admirabile edidit specimen divinæ suæ sapientiæ
Luc. 2, 46. 47. *In ipso enim absconditi erant omnes thesauri sapi-
entiae & cognitionis* Col. 2, 3. Sicco pede quoque prætereo, quod
nulla idonea possit assignari causa, cur Christus tempore jejuni
quadragesimalis adscenderit in cœlum. Pro causa forsan affe-
rent Sociniani voluntatis Paternæ revelationem; sed ea jam ante
Salvatori nostro erat notissima, quippe qui unus cum Patre erat
omniscius DEus, ut modo diximus.

§. VIII. Quid quod insuper etiam nativa & communis
linguæ ratio Socinianis minimè faveat. Usu quippe receptum,
ut ex uno loco in alium secedentes, & inde rursus priorem locum
repetentes, dicamur: redire, regredi, reverti. Exempla ipsa no-
bis suppeditat N. T. Scriptura. Luc. 10, 35. Samaritanus iter in-
stitutum prosequens, hospitem ita affatur: *ἐγὼ ἐν τῷ ἐπανέρχεσθαι
με, ἀποδώσω σοι.* Luc. 8, 37. De Christo à Gadarenis, in quorum fi-
nes non ita pridem secesserat, discedente, *ὑπέρβηκεν* dicitur. Et
Paulus Act. 18, 21. Corintho in Syriam navigaturus, dicit: *παλιν
ἀναγνύσω πρὸς ὑμᾶς.* Si igitur Christus è terra prius in cœlum
adscendisset, & de cœlo iterum in terram descendisset, vel unico
saltem in loco hujus descensus sui fecisset mentionem, dicendo se
vel rediisse, vel rursus exiisse, vel regressum esse è cœlo aut à Pa-
tre. Sed tale quid ostendant, si viri sunt, Sociniani. Potius ubi-
que Salvator dicit: exivi à Patre, descendi è cœlo, veni è cœlo &c.
Cujus rei loca supra sunt citata.

§. IX. Quo & accedunt verba Christi ad discipulos Ema-
ustendentes Luc. 24, 26. *nonne oportuit hæc Christum pati, & in-
troire in gloriam suam?* Si igitur demum post passionem suam,
intrare

intrare eum oportuit in gloriam, qui factum fuisset, ut ante passionem in cœlum, gloriæ hujus non minimam partem, adscenderit? Et huc quoque collineat Autor epistolæ ad Hebr. 9, 12. inquit: *Christus semel (non bis) ingressus est in sacrarium non factum*, id est, habitationem Patris cœlestis, explicante *B. Osandro ad h. l.*

§. X. Quid autem ad hæc impia Socini turba? Excipiunt locum ex Luc. 24, 26. allatum non evincere, quod evincendum erat; cum adhuc bene stare possit: Christum ante mortem adscendisse in cœlos, post resurrectionem vero introivisse in gloriam suam veram. *In locum tantum gloriæ suæ ingressus fuit antea Christus: at post mortem in ipsam gloriam*, inquit *Smalcus contra Smiglecius de verbo Incarnat. c. 8.*

§. XI. Sed salva adhuc res est, nondum causa cecidimus. Ipsi Sociniani statuunt, Christum à Patre tempore quadragesimalis jejunii singulari modo in cœlum fuisse elevatum, in cœlum introisse, ut Filium DEI, in cœlo per aliquot dies substituisse, cum Patre cœlesti familiariter conversatum fuisse, Patrem vidisse à facie ad faciem, uti scriptura loquitur, Patrem audivisse, Doctorem Optimum, Maximum, ab eodem hausisse doctrinam Evangelii, in cœlo ad munus propheticum initiatum fuisse, vitamque illam beatam, quam hominibus obtulit, ibi vidisse &c. Quid est introire in gloriam, si hoc non est? Manet igitur immotum & firmum, Christum ante passionem & mortem suam nec in locum gloriæ, nec in ipsam gloriam adscendisse.

§. XII. Deinde habere se quoque arbitrantur quod ad locum Hebr. 9, 12. excipiant. Dicit Smalcus loco supra citato, sermonem hic esse de ascensione Christi in cœlum, quatenus Sacerdos fuit, vel cum sacrificio; tali autem modo, semel tantum in sancta sanctorum ingressum esse Jesum.

§. XIII. Verum & hic nihil patrocinii invenit Smalcus. Summo enim Pontifici tantum semel in anno permissum fuit ingredi sancta sanctorum Hebr. 9, 7. Quemadmodum ergo summus Sacerdos semel tantum ex mandato DEI ingressus est sacrarium, ita & Antitypus Christus tantum semel debuit ingredi in cœlum Hebr. 9, 12. Regerit Smalcus: Potuisse tamen summum

Sacerdotem sub lege extra solemne sacrificium ingredi sanctum sanctorum, ac proinde etiam Christum, qui est Antitypus ejus, coeleste sacrarium. Sed quæ est sequela: A posse ad esse? Ad hæc contra claram hoc est literam Hebr. 9, 7. 25. & c. 13, 11. nuspiam enim Deus voluit, ut extra ordinem sacrarium ingrederetur. Quicquid tamen sit de eo; in Christo adhuc nullatenus potuit locum habere gemina hæc in cælum adscensio. Si enim ante mortem in superas sedes est evectus, ut voluntatem Patris sui addisceret, ut Propheta eo erit evectus. Sed detur ejus reitypus ex toto Vet. Test. Investigando citius deficiet, quam invenies. Ast faciamus Christum ut Prophetam prius adscendisse, deinde ut Sacerdotem, quomodo hæc consistent cum verbis Apostoli, qui dicit *semel*, non *ἀνέβη*, & altera vice *Christum adscendisse in cælum*. e. g. Si Princeps aliquis adhuc juvenis fuisset Viennæ, deinde autem Elector creatus Viennam iterum repetat: num poterit dici semel tantum ingressus esse Viennam, vel semel Viennæ fuisse?

§. XIV. Restat nunc ut ad argumenta Smalcii respondeamus. Monendum autem hic prius est, hypothesein illam, quæ statuitur, Christum Salvatorem nostrum demum in utero Mariæ virginis coepisse, & sic nudum tantum hominem esse, plane esse falsam & blasphemam, ne durius quid dicam, ut Theologi Orthodoxi omnibus temporibus, contra Photinianos & alios *ἀνέβη* & *ἀνέβη* invictis argumentorum momentis probarunt, ut exinde facile appareat, quam ruinosum fundamentum sit, cui ædificium suum, stolidam suam opinionem Sociniani superstruxerunt. Quod igitur attinet primum argumentum ex Joh. 6, 61. & c. 16, 28. petatum, ex dicto priori fortean talis posset strui syllogismus: Quicumque adscendit in cælum, ubi erat prius, illum eò antea è terris adscendisse oportet.

Filius hominis adscendit in cælum, ubi erat prius.

E. Filium hominis antea è terris eò adscendisse oportet.

Respondemus, majorem non esse universaliter veram, & variis instantiis posse infringi. Nam cum Dominus descendisset è cælo ad confundendam linguam hominum, Gen. 11, 7. & iterum adscendisset, rectè dici potest, Deum adscendisse in cælum, ubi erat prius, nec tamen necesse est, illum eò antea è terris adscendisse. Simi-

liter

fuorum

suorum verborum Interpreter, quæ mens sua sit, explicat Joh. 17, 5. inquit: *Et nunc glorifica me, tu Pater, apud te ipsum ea gloria, quam habui apud te*, *ἐγὼ τῷ τὸν λόγον εἶχα*. Vid. Glass. Gramm. S. lib. 3. tract. 4. can. 8. Eadem quoque responsio militabit ad alterum dictum ex Joh. 16, 28. desumptum. Nam & in eo adscensionis illius, ad petendam informationem, tempore jejunii quadragesimalis, nec vola nec vestigium apparet. Tum forsan Smalcus aliquod causæ suæ patrocinium haberet, si Christus dixisset: redi à Patre & veni in mundum; jam verò Salvator dicit: *exii à Patre & veni in mundum*, humanam scilicet assumens naturam. Et Joh. 8, 23. dilucidius hæc explicat Salvator, dicens: *ex supernis sum*, *ἐκ τῶν ὀντων*. Si autem per aliquot modo dies jejunii sui in coelis fuisset, non propterea è supernis esse dicetur.

XV. Quod denique absurdum illud attinet, quod Smalcus inde vult elicere, nobis non videtur absurdum, cum alium ex Scriptura s. modum sciamus, de quo supra. Certè argumentatio hæc falsa nixa hypothesi nil nisi falsitatem & blasphemiam putidissimam spirat. Tum aliquid obtineret Smalcus, si prius nostras probationes, quibus Christum verum DEI Filium esse, ipsamque substantialem Patris sapientiam adstruimus, solide destruxisset. Deploranda sane est hominum, fraude diaboli excœcatorum, pertinacia, quæ ipsis divina sapientia stultitia, manifestissima scripturæ dicta absurda sunt. Pauli præterea exemplum quod attinet, diversissimum illud est. Paulum in coelum raptum esse ipse manifestissime docet 2. Cor. 12, 1. seqq. Explicat causam, unde hæc revelatio ei obtigerit; scilicet à Domino v. 1. subjungit tempus, quo in coelo fuit: ante annos quatuordecim v. 2. Exprimat locum, tertium cælum, paradisum v. 2. & 4. Aperit modum admirabilem, v. 2. & 3. Subjicit quid ibi egerit: *audivit phrasin d'p'næ* vers. 4. Ubi autem tale quid continetur de Christi adscensione in coelum, tempore jejunii sui? In sacris pandectis nihil. In cerebro Socinianorum, helleboro purgando, multa. Tandem quod typum Moysis attinet, norandus hic venit Canon apud Philologos decantatissimus: Typi ad Antitypum applicatio fiat commoda. Vid. Phil. S. Glass. l. 22. part. 1. tract. 2. sect. 4. can. 4. Concedimus Moysen in quibusdam gessisse typum Christi, sed non in hoc, quod per quadraginta dies fuit in monte, & à DEO ibi accepit legem, ut alibi à Theologis prolixè ostenditur.

Hisce contentus, Lector benevole, fave.

Servet nos DEUS in veritate sua:

VERBUM EJUS VERITAS!

WEIDMANN, errorum tu noxia pascua spernis;

Scripturae ast sacrae pascua sana placent.

Auguror hinc olim fore te cautumque bonumque

Pastorem, & coeli pascua laeta precor.

*Eruditiss. Dn. Respondenti Disp. hujus Authori
ita gratul.*

PRÆSES.

IN JESUM pietas quod svadet, quodque requirit

Hocce sacrum tempus, dicere dulce tibi;

Socini retegis fraudes & Papicolarum:

Adsit sancta Trias nisibus hisce, precor!

Benevolentiae testanda causâ appon.

Johannes Musæus, D. & P.P.

Impastum tradis CHRISTUM, mysteria quanta!

Impasti non est hic labor ingenii.

Suavissimo Domino Sympalestrite apponeb.

M. Christianus Hoffmannus, Wratisl.

Publica post privos conatus pulpitâ scandis:

Hâc Patria, credo, sedulitate places.

*Eruditissimo Dn. Autori, amico ac Sympatriotæ suo
honorando gratulab. applaud.*

Johannes Melchin, SS. Theol. Stud.

Impiger es JENÆ studiis sudando GEORGUS;

Felix VIR PASCENS esto docendo RIGÆ!

*Paucis hisce Pereximii atq. Politissimi Dni. Respon-
dentis, amici sinceri ac Contubernalis quondam
infucati sui nomini & omini adgratulari & ap-
precari voluit*

A. R. Q. S. SS. Th. St.

Es läßt nie bergen sich gelehrter Stimmen Wissen /

Es bleibet nie verdeckt Minerven süßes küssen /

Es bricht doch einmal aus. Diß zeiget leh sein Geist /

Herr Weidemann / so Ihn selbstesten eylen heist

Zu schreiben was sein Sinn bey Tag und Nächte leben
 Ihm feste eingeprägt/es will am Himmel schweben.
 Sein Sinnenreicher Geist/ drüm er jetzt abgewandt /
 Wo die gebückte Schaar der kleinen Seelen kreucht/
 Und niemals über sich von seiner Erden steigt.
 Darüm mein froher Geist sich wünschend Ihm erzeiget/
 Und rufft: Sein Ruhm so fort sich schwinde Wolcken an/
 Bis Er erlange den Saphyren Stern-Altan.
 Mit schuldigst/eilender Feder setzte dem Herrn Auctori und
 Respondenten als seinem höchstgeschätzten Freunde
 dieses hinzu
 Julius Conradus Bauer.

Quam vigili doctas fecteris pectore Musas
 Dum *Weidmanne* subis pulpita nostra, doces.
 Illi quem Sophies trahit ardua cura, Cathedram
 Quis neget? En cathedram Cynthius ipse parat.
 Tendit ad extremas partes Jovis ales Olympi
 Nil quicquam læsus solis ab intuitu.
 Tu *Weidmanne* pari ratione ut Pallados ales
 Instructus Sophiâ tendis ad astra poli.
 Felix! qui tenebras superat, quemque inclyta Virtus
 Sic sistit doctis non sine laude Viris.
 Annua Christicolum nobis jejunia monstras,
 Cum jejuna tamen sit Tua Musa minus.
 Tanta brabeja Tibi grator, qua nobile dudum
 Promeruit studium curaque Pieridum.

Hisce Pereximio DN. Auctori, Fautori & Amico suo hono-
 ratissimo, certissimo, de singulari eruditionis specimine
 gratulari voluit, debuit
 Henricus Bolman, Hildesiensis.

Pascua docta doces, mi *Weidman*, gratulor ergo,
 Iple Tibi & voveo, digna brabéa feras.

Hisce pauculis Præstantissimo & Politissimo DN. Auctori,
 amico & contubernali suo suavissimo gratulari vo-
 luit amicissime

Johann Böttcher.

F I N I S.